

JARIDA LA

WIZARA YA UTAMADUNI, SANAA NA MICHEZO



Wizara ya Furaha

Toleo la Mtandaoni: 14 | 18 Agosti, 2022 - TABORA | www.michezo.go.tz

FAINALI UMISSETA 2022 ZAIBUA MABINGWA



wizara_SanaaTz





FAINALI UMISSETA 2022 ZAIBUA MABINGWA

18 Agosti, 2022



Mtwara, Mwanza Mabingwa Wavu UMISSETA 2022

Na Bryson Mshana – TABORA

Timu ya Mpira wa Wavu wasichana kutoka Mkoa wa Mtwara na ile ya Wavulana Mkoa wa Mwanza, zimefani-kiwa kutwaa ubingwa wa UMISSETA 2022 katika fainali zilizofanyika Agust 18, 2022 Mjini Tabora.

Michezo yote ya fainali imechewa katika uwanja wa Shule ya Sekondari wavulana Tabora, ambapo katika michezo wa fainali ya kwanza wasichana, Mtwara iliishinda Mbeya kwa Seti 3 – 0 na Mtwara kupata pointi 75 – 30.

Fainali ya pili ilichezwa katika uwanja huohuo na ilishuhudia Mwanza Wavulana ikiwafunga wenyeji Tabora kwa Seti 3 -2

Mwanza ikipata pointi 106 – 100 katika mchezo ulikuwa wa kuvutia.

Mapema asubuhi ilichezwa michezo ya kuwatafuta washindi wa tatu ambapo upande wa wavulana Tanga iliishinda Mara kwa seti 3 – 0 huku Tanga ikiwa imejikusanya pointi 76 – 62.

Michezo wa kumtafuta mshindi wa tatu Wasichana ulihusisha Mikoa ya Dar es salaam dhidi ya Mara na ushindi kwenda kwa Dar es salaam iliyoongoza kwa seti 3 -2 ikijikusanya pointi 102 - 92.

Matokeo ya timu za Mtwara na Mwanza yanarejesha kumbukumbu kwenye faina-

li ya michezo ya shule za msingi (UMITASHUMTA) iliyomalizika Agust 9, 2022 Mkoani Tabora ambapo katika mchezo wa Wavu Mwanza wavulana iliibuka mshindi dhidi ya Mbeya, huku Mtwara wasichana ikiibuka mshindi dhidi ya Mwanza.

Michezo ya UMISHUMTA & UMISSETA 2022 iliyofanyika kitaifa Mkoani Tabora na kuzinduliwa rasmi Agust 2, 2022 na Waziri Mkuu wa Jamhuri ya Muungano wa Tanzania Kassim Majaliwa, inatarajiwa kuhitimishwa Agusti 19, 2022 kwenye uwanja wa Alli Hassan Mwinyi Mjini Tabora.



Dar es Salaam Mabingwa Kikapu Wavulana UMISSETA 2022

Na Bryson Mshana – TABORA

Timu ya mpira wa kikapu wavulana kutoka Mkoa wa Dar es salaam, imeshinda ubingwa wa michezo ya UMISSETA 2022 baada ya kuibuka na ushindi dhidi ya Mkoa wa Mwanza.

Dar es salaam imeubuka na ushindi wa vikapu 86 dhidi 51 vya Mwanza katika mchezo uliochezwa Agusti 18, 2022 majira ya saa 5 Asubuhi kwenye uwanja wa Shule ya Sekondari wavulana Tabora.

Katika mchezo wa kumtafuta mshindi wa tatu, mkoa wa Morogoro umefanikiwa kupata ushindi baada ya kuifunga Arusha kwa jumla ya vikapu 68 kwa 42.

Kocha wa timu ya Morogoro Nicholous Nsana, amezungumzia mchezo wao dhidi ya Arusha akisema ulikuwa mzuri japo kulikuwa na mabadiliko ya ratiba kuanzia hatua ya robo fainali ambayo yalimsumbuu katika program yake.

Hata hivyo ameeleza kuwa, kikosi alicho nacho ni kizuri kuendelea kushindana katika miaka ijayo kutoptana na madarasa wanayosoma katika shule mbalimbali, hivyo ana uhakika wa kufanya vizuri katika mashindano ya mwaka ujao.

“Nina wachezaji wazuri Sana na nafurahi kuwa bado wapo vidato vya chini am-

bavyo vinawaruhusu kuen-delea kuwepo kikosini hata wakati ujao, hivyo tutaende-lea kujipanga kwa ajili ya UMISSETA ijayo’ amemalizia Nsana.

Nahodha wa timu ya Moro-goro Kelvin Sembe, amese-ma wameridhika na nafasi ya tatu waliyoipata mwaka huu japo matarajio yao iliku-wa kushinda ubingwa na sasa wanajipanga kwa wakati mwininge.

“Tulitamani kushinda ubing-wa na tulikuwa na uwezo huo lakini hatujafanikiwa, mwakani tutatimiza malen-go yetu” amemalizia Kelvin Sembe.



UMISSEATA 2020, Arusha Bingwa Kikapu Wasichana

Na Bryson Mshana – TABORA

Timu ya mpira wa kikapu wasichana kutoka Mkoa wa Arusha, imetwaa ubingwa wa michezo ya UMISSETA 2022 baada ya kuibuka na ushindi dhidi ya Dar es salaam.

Arusha imeubuka na ushindi wa vikapu 77 dhidi 34 vya Dar es salaam, katika mchezo uliochezwa Agusti 18, 2022 majira ya saa 2 Asubuhi kwenye uwanja wa Shule ya Sekondari wavulana Tabora.

Awali ulichezwa mchezo wa kumtafuta mshindi wa tatu, ambapo timu ya wasichana mkoa wa Mwanza iliwashin-

da wenyeji Tabora kwa jumla ya Vikapu 38 – 18.

Mchezo wa Arusha dhidi ya Dar es salaam ulikuwa wa ushindani kutokana na wachezaji wa timu zote mbili kuonekana kujianaa vema hali iliyopelekea burudani kutoka kwa pande zote mbili.

Kocha wa timu ya Arusha Lukunok Laizer amesema, mchezo ulikuwa mzuri na ameipongeza timu yake kwa ushindi ambao amekiri kuwa haukuwa rahisi.

"Ulikuwa mchezo mgumu kutokana na uzuri wa timu

ya Dar es salaam, tulijua tutakutana na upinzani mkali na tulijiandaa kwa hilo ndio maana tumeweza kushinda" amesema Laiser

Kwa upande wake Nahonda ha wa timu ya Arusha Catherine Loishiye Mollel ameilezea siri ya mafanikio yao kuwa ni kusikiliza maelekezo ya waalimu pamoja na kushikama baina yao.

"Tuliwasikiliza sana waalimu katika kila mchezo tangu mwanzo wa mashindano, sisi wachezaji pia tulikuwa kitu kimoja hivyo ilituwia rahisi kufikia malengo" amesisitiza Catherine.



Mbeya, Geita Zatinga Fainali Soka Wavulana UMISSETA

Na Bryson Mshana – TABORA

Timu za mpira wa Miguu wavulana kutoka mikoa ya Mbeya na Geita, zimefanikiwa kuingia hatua ya fainali ya mashindano ya UMISSETA 2022 kufuatia ushindi walioupata katika hatua ya nusu fainali.

Michezo hiyo ya nusu fainali imechezwa asubuhi ya Agosti 18, 2022 katika viwanja A na B vya shule ya wavulana Tabora na kushuhudiwa kandanda safi kutoka kwa timu zote.

Katika mchezo wa awali, timu ya Mkoa wa Mbeya ilikutana na Pemba mchezo

ambao ulimalizika kwa Mbeya kuibuka na ushindi mwembamba wa goli 1 – 0.

Mchezo wa pili ulikuwa kati ya Mkoa wa Mwanza na Mkoa wa Geita ambao ulimalizika kwenda hatua ya penati baada ya timu zote kutoshana nguvu ya kuto-fungana katika muda wa kawaida.

Hatua ya penati iliunufaisha mkoa wa Geita ambao ulipata penati 5 dhidi ya 4 za Mwanza hivyo mpira kumalizika Mwanza wakiwa wamekosa nafasi ya kuingia fainali.

Kufuatia matokeo hayo, Mbeya itakutana na Geita katika Fainali itakayochewa Agusti 19, 2022 huku Mwanza na Pemba zikikutana kumtafuta mshindi wa tatu katika mchezo wa awali.

Michezo ya UMISSETA 2022 iliyofunguliwa Agusti 10, 2022 na Katibu Mkuu Wizara ya Elimu, Sayansi na Teknolojia Dkt. Fransis Michael, inatarajiwa kuhitimishwa Agusti 19, 2022 kwenye uwanja wa Alli Hassan Mwinyi Mjini Tabora.



Mini SensaBika Tabora Maandalizi Yamekamilika

Na Shamim Nyaki – WUSM

Mkurugenzi Idara ya Maendeleo ya Sanaa, Dkt. Emmanuel Ishengoma amefanya mahojiano na Kituo cha Redio cha CG Fm Tabora, Agosti 18, 2022, ambapo amesema maandalizi ya Tamasha la Mini SensaBika litakalofanyika Agosti 19 yamekamilika.

Tamasha hilo litafanyika siku ya Ufungaji wa Mashindano

ya Michezo kwa Shule za Sekondari (UMISSETA), Uwanja wa Ally Hassan Mwinyi mkoani hapo.

Dkt. Ishengoma amesema, Tamasha hilo lina lengo la kuhamasisha wananchi kushiriki zoezi la Sensa ya watu na makazi Agosti 23, 2022, ambapo litakua na kilele chake Agosti 21, katika Tamasha kubwa la

SensaBika Concert litakalofanyika viwanja vya Leaders Dar es Salaam.

Katika mahojiano hayo aliambatana na Wasanii Khadija Omari Kopa, Malkia Karen, Lulu Diva, Kayumba Barobaro pamoja na MC atakayeongoza burudani hiyo Mamy Baby sambamba na DJ Sweet Lady.

UMITASHUMTA | UMISSETA 2022



#SensaBika

Limeandaliwa na Kitengo cha Mawasiliano Serikalini
Wizara ya Utamaduni, Sanaa na Michezo